

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷六
 內容分類 集-總集-各代-唐
 索書號 集部-總集-35
 編號 D7841100

卷六

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚奉朝四岳無為任百司
 霜節明秋景輕冰結水湄

韓翃

唐詩品彙拾遺卷之六

新寧高棟編

五言律詩中

錢起 十二首

歲初歸舊山訓寄皇甫侍御

欲知愚谷好。久別與春還。鶯暖初歸樹。雲晴却恋山。
石田畊種少。野客性情閑。來仲應難見。殘陽且掩關。

送屈突司馬充安西書記

制勝三軍勁。澄清萬里餘。星飛龐統驥。箭發魯連書。
海月低雲旆。江霞入錦車。遙知太阿劍。計日斬鯨魚。

送時暹避難適荆南

三歎把離袂，七哀深我情。雲天愁遠別，豺虎擁前程。
駐馬戀携手，隔河聞哭聲。相思昏若夢，淚眼幾時明。
送陳供奉恩勅放歸覲省

得意今如此，清光不可攀。臣心禿日下，鄉思楚雲間。
楊柳深歸棹，芙蓉棲舊山。採蘭蕪衣錦，何似買臣還。

送上官侍御

執簡朝方下，乘軺去不賒。感恩輕遠道，入幕比還家。
碣石春雲色，邯鄲古樹花。飛書報明主，烽戍靜天涯。

送柳道士

去世能成道，遊仙不定家。歸期千歲鶴，行邁五雲車。
海上春應盡，壺中日未斜。不知相憶處，琪樹幾枝花。

送李判官赴桂州幕

欲知儒道貴，縫掖見諸侯。且感千金諾，寧辭萬里遊。
鴈飛侵瘴遠，桂水出雲流。坐惜離居晚，相思綠蕙秋。

歲暇題茅茨

谷口逃名處，歸來逐野心。薄田供歲酒，喬木待新禽。
溪路春雲重，山厨夜火深。桃源應漸好，仙客許相尋。
詠門上畫松上元王杜三相公

昔聞生澗底，今見起毫端。衆草此時沒，何人知歲寒。
豈能裨棟宇，且欲出門闌。只在丹青筆，凌雲也不難。

衡門春後

不厭晴林下，微風度葛巾。寧唯北窓客，自謂上皇人。

叢條輕新暑孤花占晚春寄言狂叟蝶與尔得天真

題吳通微主人

食貧無盡日有愿幾時諧長嘯秋光晚誰知志士懷
朝烟不起竈寒葉欲連階飲水仍留我孤燈點夜齋

九日閑居寄登高數子

初服棲窮巷重陽憶舊遊門閑謝病日心醉授衣秋
酒盡寒花笑庭空暝雀愁今朝落帽客幾處管絃留

劉長卿 十首

長門怨

何事長門閉珠簾只自垂月移深殿早春向後宮遲
蕙草生閑地梨花發舊枝芳菲似恩幸看却被風吹

湘妃廟

荒祠古木暗寂寂北江濱未作湘南雨知為何處雲
苔痕斷珠履草色帶羅裙莫唱迎仙曲羈臣不可聞

過桃花夫人廟 即息夫人


寂寞應千載桃花想一枝路人看古木江月向空祠
雲雨飛何處山川是舊時獨怜春草色猶似憶佳期

移使鄂州次峴陽館懷舊居

多慚恩未報敢問路何長萬里通秋鴈千峰共夕陽
舊遊成遠道此去更迷鄉草露空山裏朝朝滿客裳

鄂渚听杜別駕彈胡琴

文姬留此曲千載一知音不解胡兒語空愁楚客心



六六唐詩抄卷之六
三
巖隨邊草動意入隴雲深何事長江上蕭蕭出塞吟
登思禪寺上方經脩竹茂林

上方幽且暮臺殿隱朦朧遠磬秋山裏清猿古木中
衆溪連竹路諸嶺共松風倘許棲林下并成白首翁
過隱空和尚故居

自從飛錫去人到沃州稀林下期何在山中春獨歸
踏花尋舊徑映竹掩空扉寥落東峰上猶堪靜者依

秋夜北山精舍觀禮如師梵

焚香奏仙唄向夕遍空山清切兼秋遠威儀對月閑
靜分岩響答散逐海潮還幸得風吹去隨人到世間

宿北山於禪寺

上方鳴夕磬林下一僧還密行傳人少禪心對虎閑

青松臨古路白日滿寒山舊識窓前桂經霜更待攀

集梁耿開元寺所居院

到君幽卧處為我掃莓苔花雨無時落松風終日來
路經深竹過門向遠山開豈得長高枕中朝正用才

韋應物八首

月夜會徐十一草堂

空齋無一事岸憤故人期暫輟觀書夜還題翫月詩
遠鍾高枕後清露捲簾時暗覺新秋近殘河欲曙遲

移府候曉呈兩縣僚友

趨府不遑安中宵出戶看滿天星尚在近壁燭仍殘

立馬頻驚曙垂簾却避寒
可怜同宦者應悟下流難
送宣城路錄事

江上宣城郡孤舟遠到時
雲林謝家宅山水故亭祠
網紀多閑日觀遊得賦詩
都門且盡醉此別數年期

送李二歸楚州時李季弟牧楚州被訟赴急

情人南楚別復詠在原詩
忽此嗟岐路還令泣素絲
風波朝夕遠音信往來遲
好去扁舟客青雲何處期

送張侍御祕書江左覲省

莫歎都門路歸無駟馬車
繡衣猶在篋芸閣已觀書
沃野收紅稻長江釣白魚
晨食亦可薦名利欲何如

送顏司議使蜀訪圖書

輅駕一封急蜀門千嶺曛
詎分江轉字但見路緣雲

山館夜聽雨秋猿獨叫群
無為久留滯聖主待遺文

任洛陽丞荅前長安田少府問

相逢且對酒相問欲何如
數歲猶卑吏家人笑着書
告歸今未得榮宦又知疎
日日生春草空令憶舊居

淮上遇洛陽李主簿

結茅臨古渡卽見長淮流
窓裏人將老門前樹已秋
寒山獨過鴈暮雨遠來舟
日夕逢歸客那能忘舊遊

皇甫冉八首

溫湯即事

天仗星辰轉霜冬景氣和
樹含溫液潤山入繚垣多

丞相金錢賜平陽王輦過魯儒求一謁無路獨如何
送榮別駕赴華州

直到三峰下應無累日程高車入郡舍流水出關城
草色田家迥槐陰府吏迎還將海沂味籍甚漢公卿
送常大夫加散騎常侍赴朔方

故壘烟霞後新軍河塞間金貂寵漢將王節度蕭關
澶漫沙中雪依稀漢口山人知寶車騎計日勒銘還
送柳八員外赴江西

收路多無極長江九派分行人隨旅薦楚樹入湘雲
久在征南役何殊薊北勲離心不可問歲暮雪紛紛
送蕭獻士

烟郊晚依然此送君長河隔旅夢浮客伴孤雲

淇上春山直黎陽大道分西陵倘一弔應有士衡文
同李司直諸公暑夜南餘館

何處多明月津庭暑夜深烟霞不可望雲樹更沉沉
好是吳中隱仍為洛下吟微官朝復夕牽強亦何心
贈普門上人

支公身欲老長在沃州多慧力堪傳教禪功久伏魔
山雲隨坐處江草伴頭陀借問迴心後賢愚去幾何
同樊潤州遊郡東山

北固多陳迹東山復盛遊鏡聲發大道草色引行騶
此地何時有長江自古流頻隨公府步南客寄徐州

皇甫曾 三首

送普門上人還陽羨

花宮難久別道者憶千燈
殘雪入林路暮山歸寺僧
日光依嫩草泉響滴春水
何用求方便看心是一乘

寄張衆甫

悲風生舊浦雲嶺隔東田
伏臘同鷄黍柴門閉雪天
孤村明夜火稚子候歸船
靜者心相憶離居畏度年

送歸中丞使新羅

南憲銜恩去東夷泛海行
天遙辭上國水盡到孤城
已變炎涼氣仍愁浩淼程
雲濤不可極來往見双旌

釋皎然 十七首

隴頭吟

秦嶺隴氏羗征人去未央
如何幽咽水併欲斷君腸
西注悲窮漠東分憶故鄉
旅魂聲攪亂無夢到遼陽

春日陪顏使君真卿皇甫曾西亭重會韻

海諸生

為重南臺客朝朝會魯儒
暄風衆木變清影片雲孤
峰翠飄簷下溪光照座隅
不將簪艾隔知與道情俱

夏日集裴錄事北亭避暑

前林夏雨歇為我生涼風
一室煩暑外衆山清影中
忘歸親野水適性許雲鴻
蕭散都曹吏還將靜者同

遊溪待月

溪色思泛月沿洄欲未歸殘燈逢水店踈磬憶山扉
夜浦魚驚少空林鵲遠稀可中絕望見掩亂擣寒衣
經仙人渚即沈山下古人沈羲白日昇仙

處

日月人間短何時此得仙古山春已盡遺渚事空傳
不見騰雲駕徒聞洗藥泉如今成逝水翻使恨流年

題鄭谷江畔桐齋

客齋開別住坐占綠江瀆流水非外物閑雲長屬君
浮榮未可累曠達若為羣風起高桐下清絃日日聞

秋宵書事寄吳憑處士

真性在方丈寂寥無四隣秋天月色正清夜道心真

大夢觀前事浮名誤此身不知庭樹意榮落感何人

送沈居士還太原

辭鄉因世難家族盛南朝名重郊居賦才高獨酌謠
浪花飄一葉峰色向三條高逸雖成性乃旌肯忘招

宿吳匡山破寺

雙峰石戟後真界滿塵埃蔓草緣空壁悲風起故臺
野花閑更發山月暝還來何事池中水東流獨不回

寒食日集報德寺解公房

欲問章陵寺支公住幾年亂山春靄裏微逕古松邊
寂寂傳燈地寥寥禁火天世人多暗室白日為誰懸
奉同盧使君幼平游精舍寺

影刹西方在虛空翠色分人天霽後見猿鳥定中聞
真界隱清壁春山凌白雲今朝石門會千古仰斯文
題報德寺清函上人西峯寺即陳文帝故

鄉

陳世凋亡後仁祠識舊山帝鄉喬木在空見白雲還
雙塔寒林外三陵暮雨間此中雖戰勝君獨起禪閑
遙和塵外上人與陸澧夜集山寺問涅槃

義兼賞陸生文卷

上人自號北山子

共是竹林賢

孫綽僧史以七人德裕阮瞻竹林七賢

配心從具葉傳說經

看月喻開卷愛珠連清淨遙城外蕭條古塔邊應隨

北山子高頂枕雲眠

送劉司法之越州

蕭蕭鳴夜角驅馬背城濠雨後寒流急秋來朔吹高
三山期望海八月欲觀濤幾日西陵路應逢謝法曹

送嚴明府入閩謁黎京兆

春日異秋風何為怨別同潮迴芳渚沒花落畫山空
旅候聞嘶馬殘陽望斷鴻應思京內史相見直城中

送陸判官歸杭州

芳草潛州路乘軺憶再旋餘花故林下殘月舊池邊
峯色雲端寺潮聲海上天明朝富春渚應見謝公舡

峴山送裴秀才赴舉

漢家招秀士峴上送君行萬里見秋色兩河傷別情

王師出西鎬虜寇避東平天府登名後迴看楚水清

釋靈一 三首

酬陳明府舟中見贈

長溪通夜靜素舸與人閑月影沉秋水風聲落暮山
稻花千頃外蓮葉兩河間陶令多真意相思一解顏

再還宜豐寺

再尋招隱地重會宿心期樵客問歸日山僧記別時
野雲陰遠洵秋水漲前池勿謂探形勝吾今不好奇

自大林與韓明府歸郭中精舍作

野客同舟禪相携復一歸孤雲生暮景遠岫帶春暉
不道還山是誰云向郭非禪門有通隱喧寂共忘機

釋法振 一首

送常大夫赴朔方

関山今不掩軍候鳥先知大漢嫖姚入烏孫部曲隨
高旌天外駐寒角月中吹歸到長安第花應再滿枝

嚴維 二首

贈萬經

萬公長慢世昨日又隳官縱酒真彭澤論詩得建安
家山伯禹穴別墅小長干輒有時人至窓前白眼看

秋夜舡行

扁舟時屬暝月上有餘輝海燕秋還去漁人夜不歸
中流何寂又孤棹也依又一點前村火誰家未掩扉

耿漳 八首

出塞

漢家邊事重寶憲出臨戎絕漠秋山在陽關舊路通
列營依茂草吹角向高風更就燕然石看銘破虜功
遊鍾山紫芝觀

繫舟仙宅下清磬落春風雨過芝田長雲深藥徑重
古房清磴接虛殿紫煙濃鶴駕何時去遊人自不逢

詣順公問道

此身知是妄遠又詣支公何法住持後能逃生死中
秋菴經古徑籜葉滿疎叢方便如開誘南宗與北宗

新蟬

今朝蟬忽鳴遷客若為情便覺一年謝能令萬感生
微風方滿樹落日稍沉城為問同懷者淒涼聽幾聲

雨中宿義興寺

遙夜宿東林蟲聲階草深高風初落葉多雨未歸心
家國身猶負星霜髮已侵滄洲縱不去何處有知音
送王祕書歸江東

迴首望知音透遲來柘林人歸海郡遠路入雨天深
萬木經秋葉孤舟向暮心唯餘江畔草應見白頭吟

送胡校書秩滿歸河中

古樹分陰道悠悠東去長位卑仍解印身老又還鄉
河水平秋岸關門向夕陽音書須數寄莫學晉嵇康

璿公房懷舊

遠公傳教畢身沒向他方
弔客來何見門人閉影堂
紗燈臨古砌塵机在空床
寂寞踈鐘後秋天有夕陽

李端九首

題從叔沆林園

阮宅閑園暮窓中見樹陰
樵歌依遠草僧語過長林
鳥嘒花間曲人彈竹裏琴
自嫌身未老已有住山心

送少微上人入蜀

削髮本求道何方不是歸
松風開法席江月濯禪衣
飛閣蟬鳴早漫天空過稀
戴顓常執筆不覺此身非

雨後輞川

驟雨歸山盡頽陽入輞川
看虹登晚墅踏石過春泉
紫萸藏仙井黃花出野田
自知無去路迴步就人烟

同皇甫侍御題惟一上人房

焚香居一室盡日見空林
得道輕年暮安禪夢夜深
東西皆是夢存沒豈關心
唯羨諸童子持經在竹陰

同裴負外宿薦福寺僧舍

潘安秋興動涼夜宿僧房
倚杖雲離月垂簾竹有霜
迴風生遠逕落葉颯長廊
一與交親會空貽別後傷

送客往湘江

識君年已老孤棹向瀟湘
素髮臨高鏡清晨入遠鄉
三山分夏口五兩映峇陽
更逐巴東客南行淚幾行

送友人遊蜀

嘉陵天氣好百里見雙流帆影綠巴寺鐘聲出漢州
綠原春草晚青木暮猿愁正是風流地遊人易白頭

送友人遊江東

江上花開盡南行少見春鳥聲悲古木雲影入通津
返景斜連草迴潮暗動蘋謝公今在郡應喜得詩人

送樂平苗明府

本自求彭澤誰云道里賒山從古僻斷江向弋陽斜
暮色隨楓樹陰雲暗荻花諸侯舊調鼎應重宰臣家

韓翃 六首

送張儋水路歸北海

千里東歸客孤心憶舊遊片帆依白水高枕卧青州
栢寢寒蕪變梧臺宿雨收知君心興遠每上海邊樓

送李侍御赴徐州行營

少年兼柱史東至舊徐州遠屬平津閣前驅博望侯
向營淮月滿吹角楚天秋客夢依依處寒山對白樓

李中丞宅夜宴送丘侍御赴江東便往辰州

積雪臨堦夜重裘對酒時中丞違沈約才子送丘逢
一路三江上孤舟萬里期辰州佳興在他日寄新詩

送李侍御歸宣州使幕

春草東江外翩又北路歸官齊缺公子身逐謝玄暉

山色隨行騎，鶯聲傍客衣。主人池上酌，携手暮花飛。
送田倉曹汴州觀親

拜慶承天寵，朝來辭漢宮。玉杯分湛露，金勒借追風。
古驛秋山下，平蕪暮雨中。翻又魏公子，人看渡關東。
奉和元相公家園即事寄王相公

共列中台貴，能齊物外心。迴車青閣晚，解帶碧茸深。
寒水分畦入，晴花度竹尋。題詩更相應，一字重千金。

盧綸八首

題雲際寺上方

松高羅蔓輕，中有石床平。下界水長急，上方燈自明。
空門不易啟，初地本無程。迴步忽山盡，萬緣從此生。



同崔峒慈恩寺避暑

寺涼高樹合，卧石綠雲中。伴鶴慚仙侶，依僧學老翁。
魚沉荷葉露，鳥散竹林風。始悟塵居者，應將火宅同。
春日陪李庶子遵善寺東院曉望

寄司空曙

映竹水田分，當山起鴈羣。陽峰高對寺，陰井下通雲。
雪盡唯逢鶴，花時此見君。由來禪誦地，多有謝公文。
壯志隨年盡，謀身獨未安。艱危交契絕，老大別離難。
臘近晴多煖，春遲夜却寒。誰憐少兄弟，第五卜未為官。
送顏推官遊銀夏謁韓大夫

叢篁叫寒笛，滿眼寒山青。才子樽前畫，將軍石上銘。

獵敵雲外響戰血雨中腥苦樂從來事因君一涕零
送元昱尉義興

欲成雲海別一夜夢天涯白浪綠江雨青山遠縣花
風標當劇部冠帶稱儒家去矣謝親愛知余髮已華
送永陽崔明府

鶴唳蕪陵曉中流見楚城浪清風乍息山白月猶明
廢路開荒木歸人種古營懸聞正訛俗邴曼最知名
送寧國夏侯丞

楚國青蕪上秋雲似白波五湖長路少九派斷山多
謝守通詩宴陶公許醉過憮然餞離阻年髮兩蹉跎
崔峒四首

宿禪智寺上方演大師院

石林高幾許金刹在中峰白日空山梵清霜後夜鍾
竹窻迴翠壁蒼徑入寒松幸接無生法疑心怯所從
題空上人石室

早晚悟無生頭陀不到城雲山知夏臘猿鳥見脩行
地僻無溪路人尋逐水數年年深谷裏誰識遠公名
登蔣山開善寺

山殿秋雲裏香烟出翠微客尋朝磬至僧背夕陽歸
下界千門見前朝萬事非看心蕪送日葭茨暮依依
送李道士歸山

秋城臨古路城上望君還曠野入寒草獨行隨遠山

授人鴻寶內將大白雲間早晚燒丹罷遙知冰雪顏
即士元 三首

送彭偃房由赴朝因寄錢大郎中季十七
舍人

衰病已經年西峯望楚天風光欺髮髮秋色換山川
寂寞浮雲外支離漢水邊平生故人遠君去話潸然
送李遂之越

未習風波事初為東越遊露霑湖草晚月照海山秋
梅市門何處蘭亭水尚流西興待潮信落日滿孤舟
送錢拾遺歸兼寄劉校書

墟落歲陰暮東榆烟景昏蟬聲靜空館雨色隔秋原
歸客不可望悠然林外村終當報芸閣携手醉柴門
司空曙 二首

望水

高原晴見水楚色諳相和野極空如雪天遙不辨波
永無人跡到獨有鳥聲過況在蒼茫外殘陽照更多
宿青龍寺故曇上人院

年深宮院在舊客自相逢閉戶臨寒竹無人有夜鐘
降龍今已去巢鶴竟何從坐見繁星曉淒涼識舊峰
苗發 一首

送司空曙之蘇州

盤門吳舊地蟬盡早秋時歸國人皆久移家君獨遲

廣陵經水宿建業有僧期若到棲霞寺應看江摠碑

蔣渙 二首

登栖靈寺

三休尋磴道九折步雲霓
瀝澗臨江北郊原極海西
沙平瓜步出樹遠綠楊低
南指晴天外青峰是會稽
途次維揚望京口寄白下諸公

北望情何限南行路轉深
晚帆低荻葉寒日下楓林

雲白蘭陵渚烟青建業岑
江天秋向盡無處不傷心

包何 一首

和孟虔州閑齋即事

古郡隣江嶺公庭半薜蘿
府寮閑不入山鳥靜偏過

甲晚臨花柳闌干枕芰荷
麥秋今已至君聽兩岐歌

包佶 一首

同李吏部伏日口號呈元庶子路中丞

火炎逢六月金伏過三庚
幾度衣裳澣誰家枕簟清
頽水無下位裁扇有高名
吏部還開甕殷勤二客情

林珣 一首

送安養閻主簿還竹寺

分手怨河梁南征歷漢陽
江山追宋玉雲雨夢襄王
醉裏宣城近歌中郢路長
更尋栖枳處猶是念仇香

張萬頃 一首

送裴少府

夕膳望東周晨裝不少留酒中同樂事閑外起離憂
座濕秦山雨庭寒渭水秋何當鷹隼擊來拂古林遊

魏兼恕一首

送張兵曹赴營田

河曲今無戰王師每務農選才當重委足食乃深功
草色孤城外雲陰絕漠中蕭閑休歎別歸望在乘驄

周瑀一首

送潘三入京

故人嗟此別相送出烟垆柳色分官路荷香入水亭
離歌未盡曲酌酒共忘形把手河橋上孤山日暮青

王烈一首

酬崔峒

狗世其長往逢時忝一官欲朝青瑣去羞向白雲看
榮寵無心易艱危抗節難思君寫懷抱非敢和幽蘭

顧況一首

鄱陽大雲寺一公房

盡日陪游處斜暉竹院清定中觀有漏言下證無生
色界聊傳法空門不用情欲知相去近鐘鼓兩聞聲

戎昱三首

塞下曲

北風凋白草胡馬日駸又夜後戍樓月秋來邊將心
鐵衣霜雪重戰馬歲年深自有盧龍塞烟塵飛至今

送嚴十五之長安

送安身為客思家愴別家暫收
雙眼淚遙想五陵花
路遠征車迥山迴劔閣斜
長安君到日春色未應賒

成都送嚴十五之江東

江都萬里外別後幾悽又
峽路花應發津亭柳正齊
酒傾遲日暮川闊遠天低
心繫征帆上隨君到剡溪

張南史 三首

殷卿宅夜宴

日暗城烏宿天寒櫪馬嘶
詞人留上客妓女出中閨
積雪連燈照回廊映竹迷
太常今夜宴誰不醉如泥

送鄭錄事赴太原

款款不相見紅顏今白頭
重為西候別方起北風愁
六月胡天冷双城汾水流
廬諶即故吏還復向并州

送李侍御入茅山採藥

苦縣家風在茅山道錄傳
聊停驄馬使却就紫陽仙
江海生岐路雲霞入洞天
莫令千歲鶴飛到草堂前

朱灣 一首

假攝池州留別東溪隱居

一官仍是假豈願數離羣
愁髮看如雪浮名認是雲
暫辭南國隱莫勒北山文
今夜松溪月還應夢見君

冷朝陽 二首

同張深秀才遊華嚴寺

同遊雲外寺渡水入禪關立掃窓前石坐看池上山
有僧飛錫到留客話松間不是緣名利好來長伴閑
宿栢巖寺

幽寺在巖中行唯一逕通客吟孤嶠月蟬噪數枝風
秋色生苔砌泉聲入梵宮吾師脩道處不與世間同
于鵠二首

題宇文裔山寺讀書院

讀書林下寺不出動經年草閣連僧院山厨共石泉
雪庭無履跡龕壁有燈烟年少今頭白刪詩到幾篇
溫泉僧房

雲裏前朝寺脩行獨幾年山林無施食盥漱亦安禪
古塔巢溪鳥深房閉谷泉自言僧入室知處梵王天

陳潤二首

賦得池塘生春草

謝公遺詠處池水夾通津古往人何在年來草自春
色宜波際綠香愛雨中新今日青心意空悲行路人
登西靈塔

塔廟出招提登臨碧海西不知人意遠漸覺鳥飛低
稍與雲霞近如將日月齊遷喬未得意徒欲躡雲梯

楊衡一首

題山寺

千峯白露後雲錦掛殘燈曙色海邊日經叢松下僧

意閉門不閉年去水空澄稽首如何問森羅盡一乘

劉商 四首

題山寺

扁舟水淼淼曲岸復長塘古寺春山上登樓憶故鄉
雲烟橫極浦花木擁迴廊更有思歸意晴明陟上方
題廢禪居寺

凋殘精舍在連步訪緇衣古殿門空掩揚花雪亂飛
鶴巢松影薄僧少磬聲稀青眼能留客踈鐘逼夜歸
送林衮侍御東歸秩滿赴上都

幾年烏府內何處逐鳧歸關吏迷驄馬銅章累繡衣
野人山草綠定路柳花飛况復長安遠音書從此稀

送李元規昆季赴舉

見誦甘泉賦心期折桂歸鳳雛皆五色鴻漸又雙飛
別思看衰柳秋風動客衣明朝問禮處暫覺鴈行稀

戴叔倫 六首

長門怨

自憶專房寵曾居第一流移恩向何處暫妬不容收
夜靜管絃絕月明宮殿秋空將舊時意長望鳳凰樓

潭州使院書情寄江夏賀蘭副端

雲雨一蕭散悠悠闕復河俱從泛舟役近隔洞庭波
春水去不盡秋風今又過無因得相見却恨寄書多
留別宋處士

留歡方繼燭。此會豈他人。鄉里遊從舊。兒童內外親。
夜深愁不醉。老去別何頻。莫折園中柳。相看惜暮春。

送李審之桂州謁中丞叔

知音不可遇。才子向天涯。遠水下山急。孤舟上路賒。
亂雲收暮雨。雜樹落秋花。到口應文會。風流勝阮家。

送李明府之任

身為百里長家寵。五諸侯含笑聽猿狖。搖鞭望斗牛。
梅花堪比雪。芳草不知愁。別後南風起。相思夢嶺頭。

送崔拾遺峒江淮訪圖書

九重辭諫諍。萬里採風謠。關外逢秋月。天涯過晚潮。
鷹來雲杳杳。木落浦蕭蕭。空然他鄉別。迴舟暮寒寥。

己上係中唐之詩

劉長卿一首

送南時進赴歸行營

聞道軍書至。揚鞭不問家。虜雲連白草。漢月到黃沙。
汗馬河源飲。燒羌隴坻渡。翩翩新結束。去逐李輕車。

錢起二首

送夏侯審校書東歸

楚鄉飛鳥沒。獨與碧雲還。破鏡催歸客。殘陽見舊山。
詩成流水上。夢盡落花間。倘寄相思字。愁人定解顏。

送楊皞擢第遊江南

行人臨去水。新詠復新悲。萬里高秋月。孤山遠別時。

掛帆嚴子瀨，酌酒敬亭祠。歲宴無芳杜，如何寄所思。

李端一首

送新城戴叔倫

遙想隋堤路，春天楚國晴。白雲當海斷，青草隔淮生。
鴈起斜還直，潮回遠復平。萊蕪不可到，一醉送君行。

耿湜一首

逢故人

因君知此事，流浪已忘機。久客多人識，高年衆病歸。
連雲湖色遠，度雪鴈聲稀。又說家林盡，悽傷淚滿衣。

李嘉祐二首

九日

惆悵重陽日，空山野菊新。蕪葭百戰地，江海十年人。
歎老看衰柳，傷秋對白蘋。孤樓聞夕磬，塘路向城闌。

送王牧

細草綠汀洲，王孫耐薄遊。年華初冠帶，文采舊弓裘。
野渡花爭發，春塘水亂流。使君憐小阮，應念荷門愁。

韓翃一首

送郭贊府

駿馬淮南客，歸時引望新。江聲六合暮，楚色萬家春。
白紵歌西曲，黃苞寄北人。不知心賞後，早晚見行塵。
以上係增入原是摘句

唐詩品彙拾遺卷之六